



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇԻՐԱԿԻ ՄԱՐԶԻ ԱՆԻ ՀԱՄԱՅՆՔԻ ԱՎԱԳԱՆԻ**

Հայաստանի Հանրապետության Շիրակի մարզի Անի համայնք
ք. Մարալիկ, Մաղաթյան փ. 1, հեռ. 0242- 2-22-37, ani.shirak@mta.gov.am

Ո Ր Ո Շ ՈՒ Մ N 52-Ա

<<12>> հուլիսի 2023 թվականի քաղաք Մարալիկ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱՆԻ ՀԱՄԱՅՆՔԻ ՇԻՐԱԿԱՎԱՆ ԲՆԱԿԱՎԱՅՐԻ
ՎԱՐՉԱՎԱՆ ՏԱՐԱԾՔՈՒՄ, ՀԱՄԱՅՆՔԻ ՍԵՓԱԿԱՆՈՒԹՅՈՒՆ ՀԱՆԴԻՍԱՑՈՂ ՀՈՂԱՄԱՍՈՒՄ
ԿՈՒՏԱԿՎԱԾ ՇԻՆԱՐԱՐԱԿԱՆ ԱՎԱՋԸ ՀԱՄԱՅՆՔԻ ՍԵՓԱԿԱՆՈՒԹՅՈՒՆԸ ՀԱՄԱՐԵԼՈՒ, ՕՏԱՐՄԱՆ
ԳԻՆԸ ԵՎ ՕԳՏԱԳՈՐԾՄԱՆ ՊԱՅՄԱՆՆԵՐԸ ՍԱՀՄԱՆԵԼՈՒ ՄԱՍԻՆ**

Ղեկավարվելով <<Տեղական ինքնակառավարման մասին>> Հայաստանի Հանրապետության օրենքի 13-րդ հոդվածի 10-րդ մասի, 18-րդ հոդվածի 1-ին մասի 42-րդ կետի, Հայաստանի Հանրապետության քաղաքացիական օրենսգրքի 202-րդ հոդվածի 3-րդ մասի դրույթներով, հաշվի առնելով, որ 1970-ական թվականներին Ախուրյանի ջրամբարի շինարարության ժամանակ կապալառու կազմակերպությունների կողմից շինարարության կարիքների համար կուտակված շինարական ավազը չի օգտագործվել, այն տեղակայված է Անի համայնքի սեփականությունը հանդիսացող գյուղատնտեսական նշանակության արոտ հողատեսքի հողատարածքում և հանդիսանում է տիրազուրկ գույք, կարևորելով համայնքի միջբնակավայրային և դաշտամիջյան ճանապարհների փոսային նորոգման կարիքների համար շինարարական ավազի օգտագործման անհրաժեշտությունը, ճանապարհաշինարարական կազմակերպությունների կողմից Անիի համայնքապետարան ներկայացված ավազի օգտագործման պահանջարկը, ինչպես նաև գյուղատնտեսական նշանակության արոտի մաքրման և այն գյուղատնտեսական շրջանառությամ մեջ ներգրավելու անհրաժեշտությունը, հիմք ընդունելով կուտակված ավազի գեոդեզիական ուսումնասիրության և ծավալի չափագրական նյութերը, Հայաստանի Հանրապետության Շիրակի մարզի Անի համայնքի ավագանին

որոշում է՝

1. Հայաստանի Հանրապետության Շիրակի մարզի Անի համայնքի Շիրակավան բնակավայրի վարչական տարածքում գտնվող, համայնքի սեփականությունը հանդիսացող 08-090-0110-0001 կադաստրային ծածկագրով 28.482 հեկտար արոտ հողատեսքի հողատարածքում կուտակված, տիրազուրկ համարվող, 22 000 /քսաներկու հազար/ խորանարդ մետր ծավալով շինարարական ավազը համարել համայնքի սեփականություն և այն տնօրինել որպես սեփական գույք:








2. Սույն որոշման 1-ին կետում նշված շինարարական ավագի կուտակումը օգտագործել Անի համայնքի միջբնակավայրային և դաշտամիջյան ճանապարհների փոսային նորոգման կարիքների համար, իսկ ճանապարհաշինարարական և այլ կազմակերպությունների պահանջարկի դեպքում՝ այն վաճառել ուղղակի կարգով՝ մեկ խորանարդ մետր զանգվածը՝ 500 /հինգ հարյուր/ Հայաստանի Հանրապետության դրամ արժեքով:

3. Հայաստանի Հանրապետության Շիրակի մարզի Անի համայնքի ղեկավար Ա. Սարգսյանին

Պատշաճ հաշվառում և հսկողություն իրականացնել շինարարական ավագի օգտագործման գործընթացի նկատմամբ և ավագի կուտակումը իրացնելուց հետո, վերականգնել գյուղատնտեսական նշանակության հողատարածքի արոտ հողատեսքը և այն ներգրավել գյուղատնտեսական շրջանառության մեջ:


4. Սույն որոշումը ուժի մեջ է մտնում ստորագրման պահից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱՆԻ ՀԱՄԱՅՆՔԻ
ԱՎԱԳԱՆՈՒ ԱՆԴԱՄՆԵՐ**

	Կողմ-11	Դեմ -0	Ձեռնպահ -0
Ա. ՍԱՐԻԲԵԿՅԱՆ		-----	-----
Ե. ՍԱՂԱԹԵԼՅԱՆ	-----	-----	-----
Ռ. ԱՐՇԱԿՅԱՆ		-----	-----
Է. ՈՒՌՈՒՏՅԱՆ	-----	-----	-----
Ա. ՇԱԲՈՅԱՆ		-----	-----
Հ. ԶԱՏԻԿՅԱՆ		-----	-----
Ժ. ԱԼԵԲՅԱՆ		-----	-----
Գ. ԱՂԱԲԵԿՅԱՆ		-----	-----
Ն. ՍԱՐՈՅԱՆ	-----	-----	-----
Գ. ԹԱԹԵՎՈՍՅԱՆ		-----	-----
Մ. ԵՆՈՔՅԱՆ	-----	-----	-----

ՀԱՅԱՍՏԱՆԻ
ՀԱՆՐԱՊԵՏՈՒԹՅԱՆ
ՇԻՐԱԿԻ ՄԱՐԶԻ ԱՆԻ
ՀԱՄԱՅՆՔԻ ՂԵԱԿԱՎԱՐ՝



 Ա. ՍԱՐԻԲԵԿՅԱՆ

<<12>> հուլիսի 2023թվական
Քաղաք Մարալիկ